

إليك حسين مددت اليدين  
سلام عليك فخذني إليك مع الزائرين

\*-\*-\*-\*-\*-\*-\*-\*-\*-\*-\*-\*-\*-\*-\*-\*

عن هويتي يسألوني وأنا مخلوق بولاءك  
حبك بقلبي حفرته وروحي تتنفس هواءك  
انته ماي بجسمي جاري وطينتي من كربلاءك  
مو أنا الساكن مُصابك وفيّ نابت كل عزاءك  
عاشك برتبة موالى من أقدس كبرياءك

أبقى لك خادم	بجبي الدائم	ومدمني الساجم وبكل نبض واحساس
أتقن الخدمة	بدمعة ولطمة	يا الـ يظل اسمه بثقل الذهب ينقاس
أنا مجنونك	وفدوة لعيونك	اويا اليزورونك بحبك رفعت الراس
وافي لك وافي	أمشي لك حافي	وشوقي مو خافي من تفضحه الأنفاس
أبقى لك خادم وها الخدمة علي دين	لو يذبحوني أنا ما أترك حسين	

\*-\*-\*-\*-\*-\*-\*-\*-\*-\*-\*-\*-\*-\*-\*-\*

في العقيدة انتـه أصل ونسبته الإمامة	يا أذان أشواقى يا الحبك يظل إقامة
ليّـه للقيامـة	يا اللى مـ نسى في العمر صموده
يعني قلبي لك جعلته يبدي احترامه	يا للي تغمرني محبته واستمع كلامه
انت كل زعامة	يا الـ وجودي راسخ بوجوده
جسمك بطف كربلا	يبقى في حر الفلا
ليّ فيه جم موعظه	افترض هذا الفرض
بكل وقت أعلنها بيعه	لك يد برهان الشريعة

كون أنا جندي وأطبّق كل نهج ترسمه	يا اللى متشرّبه المبادئ والفضائل اسمه
من تجارى دمّه	خذ ولائى فايض بحنيني
واجب الطاعة بسلوكي في العمر أقدمه	أنت لي مبدأ أعيشه بكل فعال وكلمه
وامتثال وخدمة	أنت عزة تبقى في جبينى
انتـه دستوري بحيا	يا حسين اسمك يظل
منك أتعلم أنا	والى غير الله أبد
يا اللى في عمري أطيعه	شما يكون أنا مـ بيعه

إليك حسين مددت اليدين  
سلام عليك فخذني إليك مع الزائرين

\*-\*-\*-\*-\*-\*-\*-\*-\*-\*-\*-\*-\*-\*-\*-\*

من على الهودج تون زينب تحس نار المصيبة سرُّع إبظعنك يحادي ما تحس شوقي ولهيبه  
للغريب اليوم وُصِلَتْ في الظعن إخته الغريبة  
جيت ومتحيرة أناشد كبره لو راسه ووريده أدري بك راعي إمروّة وغيرتك والله شديدة  
شوف واحصي بهالهودج جم فقيد وجم فقيدة

شايب راسي	وهاجن أنفاسي	من تساليني وامصيبتي صعبة
أدري بالوالد	صعبة لو فاكد	بنته يتمنى اتظل العمر كبره
هودج خالي	يالأخو الغالي	من رقية اللي مدفونة في الغربة
من دفناها	خويه شفناها	والجسم دامي آه من كثر ضربه

ليت أبو سكرة نظر أهله وحريمه صارن ابولية عدو ما عنده شيمة

\*-\*-\*-\*-\*-\*-\*-\*-\*-\*-\*-\*-\*-\*-\*-\*

ليت إيواروني ابتراك وأنسى هالمصايب	غيبك عني زماني ولو ترد يغايب
وتتظر النوايب	انجان يخويه ما أظن تعاتب
أذكر أيام الأبو في الكوفة يا عضيدي	يوم إيدخلوني سبية والحبل في إيدي
صعبة يا وحيدي	اشلون فواطم في السبا اليزيدي
من على الكبر انحنت	يا ألم بيها والدموع اتحدّرت
يا أخو يعوف الأخي	ولي لن ساعة وغفت والأخو ايجيها
جيتي ابضيم اليسر	تروي عيناك الكبر يا ضيا عيني
يختي أسألش العذر	تدري يا زينب شمر حز شراييني
والعزا بارض المدينة	تنصبه الزهرا الحزينة

إليك حسين مددت اليدين  
سلام عليك فخذني إليك مع الزائرين

\*-\*-\*-\*-\*-\*-\*-\*-\*-\*-\*-\*-\*-\*-\*\*

جيت إليك عباس أناشد وأناي فخر الهاشمية  
شوف رسم السوط جنبي وبالْحَبْل زركه إيديه  
خلني أشكي لك جروحي يوم ساكوني سبيّة  
وأني جدي المصطفى واشلون يقولوا خارجية

جنب لمُسْنَاة	أحبي وِيّ لِفِرَات	ما تَخْبِرْنِي عن كافي وينه
مَدْرِي عن جوده	مَدْرِي وازنوده	بالْكَبر وِيّاه لو دون چفينه
خبره عن لطفال	والسبي ولِخبال	خبره عن زينب خبره عن اسكينة
راحت إچفوفه	وعينه مخسوفة	ولا شِفَت چفين مثله ومثل عينه

يا اللي حيدر خلى ايديك بيديه  
چان تذكر يعباس الوصية

\*-\*-\*-\*-\*-\*-\*-\*-\*-\*-\*-\*-\*-\*-\*\*

چم يتيمة ابغربة ماتت واشعُر احتضاري	وأني متحيرة ابدَفِنُها ابوحشة البراري
وأشعلوها ناري	الموت ليتيه هالِإِخت يواري
أدخل إِبْجَلِس أَجانب يالْأخو هُضيمة	أنظر اعيون الشماتة وأسمع الشتيمة
محنتي عظيمة	اليوم أختك أصبحت يتيمة
سكنه نادت بس أريد	عمي يا عَمّة
جيتك وحزني شديد	وايدي متورّمة
ماني متعودة الضَرْب	وأني بنت إخدور
نمشي بديار الغَرْب	وبالفيافي اندور
آه يا بيرگ وفا وطاح	آه يا عزّ گُضِي وراح

إليك حسين مددت اليدين  
سلام عليك فخذني إليك مع الزائرين

\*-\*-\*-\*-\*-\*-\*-\*-\*-\*-\*-\*-\*-\*-\*-\*

خلني يا جابر أوصف لك صور أفسى المجازر  
مدري تتحمل صورها لو تحر منها يجابر  
ما شفت لحسين حابر بالظما شاح ابعينه  
يطلب الناصر يولي والحجر صك ابجينه  
ونزعتهم سهم لملث زلزل الكون ابونينه

وأصعب المِخْنات	واحننا بالخيمات	نرتجي الوالي يحضر لخيماته
بالله وشحالي	والسرج خالي	هالمهر جاني تتعالى صيحاته
شفته عالغبرة	شمر إبطه	قابض الباغي يا ويلي شيباته
ويلى من داسه	ومن فصل راسه	والحشا ظامي ما طقى جمراته

ظل وجود ابمهجته والله هزيمة والمهر يصل بالخيام الظليمة

\*-\*-\*-\*-\*-\*-\*-\*-\*-\*-\*-\*-\*-\*-\*-\*

راسه بالخطي أشوفه وجثته رمية  
وآني يا شفة  
ما رعى الجمال حرمة لله ورسوله  
عنه لا تشيله  
وكسرت في اعظام صدره خيل لعوجية  
احسين أنظره ومدري وش بديه  
جثته سلّ بها ليمن صاحت العقيلة  
يا حيف رحّموا جثته الجديلة

لو شفت طفله الرضيع	بالردى افطامه	تلطم الهامة
ولو شفت راسه القطيع	دون لعمامة	نهبه اخيامه
وما شفت نار الخيم	عمي مستعرة	منها منذرة
وما شفت يوم السهم	ينبت ابصدره	حز إله نحره

يا عظمها في حشرهم والنبي الهادي خصمهم

إليك حسين مددت اليدين  
سلام عليك فخذني إليك مع الزائرين

\*-\*-\*-\*-\*-\*-\*-\*-\*-\*-\*-\*-\*-\*-\*-\*

من صغر سنّي عشقت إحسين وعاشر وأربعينه  
وأنظر الوالد عيونه هاملة ويلطم جبينه  
ومُلا بن فايز يشدني ليك بطواره الشجّية  
وأسمع الونّات تصدح من شعُر مُلا عطية

وابوسط هالبيت	سيدي إتربيت	في المواكب ومن منبرك ولكرايه
تعلّى آهاتي	تجري دمعاتي	من يجي الساكي يرويني من مايه
والدمه إبلعروق	تجري لك بالشوق	هاذي زوّارك أنظرها مشايه
خذني بو الأحرار	أخدم الزوّار	أسكي الظامي لو أحمل الراية

واندب المظلوم والدمعة جرية لك سلامي يا غريب الغاضرية

\*-\*-\*-\*-\*-\*-\*-\*-\*-\*-\*-\*-\*-\*-\*-\*

أقطع إدروب ومسافات الزمن وأسافر  
بالوطيّة عافر  
وأسجب إسنين العمر دمه على ضريحك  
ومدّمي من جروحك  
يلسگاني بالظّمه ومن دوسة الحوافر  
إحسين غريب وما إلك مُناصر  
يا ذبيح السيف بذموعي صرّت ذبيحك  
إحسين وكل أنفاسي بس تتوحك

آنا ربّاني الحسين	غذّي شرياني	وكل حياتي وعمري دين	للي ربّاني
ولو أهل دمعي يعين	في أحد ثاني	مو مثل دمعي إبحسين	اللي بچاني
خبّر القاصي البعيد	خبّر الداني	آنا ربّاني الشهيد	شيد أركاني
ما أفر مثل العبيد	وهذا إيماني	وما أباع يا يزيد	لا يسفاني

الحسين اعظم قضية في الضماير سرمدية

إليك حسين مددت اليدين  
سلام عليك فخذني إليك مع الزائرين

\*-\*-\*-\*-\*-\*-\*-\*-\*-\*-\*-\*-\*-\*-\*-\*

ربّي ارزقني زيارة كربلا لما كو مثلها كل يقيني أنها تعادل إلي حجة بفضلها  
الأربعين بكل سنة تظل فرصة لازم أستغلها  
منهو غير حسين أشوفه بروحي بأوصافه شغلها مو أنا قصة عشق في الظامي تترتب جملها  
مو أنا اللهفة اللي لترابه دمع عيني حملها

يسافر احساس	من ألف راسي	ومني أنفاسي تمشي إلى ترابه
أخطي جم خطوة	بحبه ما أتروى	شوقي ش سوي من أذكر مصابه
أحمل الراية	وقبره الغاية	حزني ويايه ومن أوصل ابابه
أذكره دامي	من بقى ظامي	وجفني بأيامي يظل دمة سجابة

ابذكره باقي كل صباح وكل مسية أنا إل منسى غريب الغاضرية

\*-\*-\*-\*-\*-\*-\*-\*-\*-\*-\*-\*-\*-\*-\*-\*

أحرمت واحرامي عشق ال بقلب حملته وأنا غير حسين اودكره في القلب جعلته  
وغيره ما قبلته في حياتي ألهج اعلى ذكره  
جيت أزوره وأنظر الزينب ترد سبية أسرح بفكري وأسائل عا البقى رمية  
مهجته لظية ومن تمثاته وطفل في حجره

من ذكرت امثلث ال	لي خرق صدره	ومصرعه ودمه جرى	ويلي من نحره
وعليته وسط الخدر	ظلت تنظره	ولثلاث أيام يظل	من نحفر قبره
وأسعى أنظر للي سهـ	م العدا بعينه	مرمي فوق المشرعه	من وفي بدينه
من شماله اتقطعت	ويلي ويمينه	وأسمع صراخ الحرم	بو الفضل وينه

وأنظر الجاسم ولكبر في الثرى وابلياً منحر